

南州書樓藏書
發售股經理
紙刊 字 號
12585



977523

嵐

綺

小


中

乾隆
三月末九
月南昌使
院
鐫板
并序
十八葉



嵐漪小艸序

乾隆丁未秋按試南康郡郡在廬山東由德安入
 星子必經山之隘口而試院在山之麓日與湖中落
 星石對予以七月十四日入隘口飯瞻雲寺比試竣
 以八月二日宿秀峯寺明晨遊萬杉栖賢午到白鹿
 洞書院初四日竝五老峯東北度吳章嶺至九江此
 廬山之陽經遊大畧也中間數詩試院作合前後入
 山出山凡得四十九首不曰佳廬小艸而曰嵐漪者
 落星石上舊有嵐漪軒見山谷外集詩注蓋宋龍圖
 閣學士吳仲庶所顏者今其址廢已久予因書嵐漪
 嵐漪小艸序
 二字扁於試院後軒茲集所以志也前數日皆陰雨
 出山後亦稍稍雲而風惟入山二日朗霽無點翳山
 光水翠豁然與目謀又嵐漪之貺我也此行僅山之
 陽故不敢以佳廬名云八月十二日北平翁方綱自
 序於九江試院



嵐漪小州

大興 翁方綱 正

早發德安

七月十日

犖确高下中蒙籠若無路前輿跨灣環後騎披州樹
馳騰與猿挂裊窕知幾度建昌達星子一逕取斜注
直避鄱湖險繚繞屢穿互輿人肩左擔僕夫泥沒屨
我亦衣袂上飽衰山葉露晃蕩日出高曲折隘口赴
香爐生紫煙句隨今始悟

隘口

匡廬界黃龍漸入遂閱深平疇鬱修廣初日蕩雲岑
嵐漪小州

暑退風稍寒空濛延遠襟誰言匡廬近正藉羣峰陰
悠然南山目緬彼太古心片石柴棗字徒杠栗里尋
歸來館何處醉石蹟未沉北窓松風意歲月去駸駸
但坐掬石泉溪迴鳴玉琴巖幽虎心誰遠吹來杏林

瞻雲寺

到門蓮性香惠然遠客迎墨池與鵝池共此水一泓
瞻雲即歸宗捨宅乃化城房廊響鐘磬慧智相環縈
直上金輪峯一氣宗旨并中開右軍閣文字放光明
磨墨作大書催我七字成茗芽山泉香擷露發其英
初飲廬山水兼識山僧情性公逝成塔苔壁墨縱橫

所以留墨池近與此老盟池上富樵榻想昔爛箱籬
我來緬清真幾輩耶舍更紛紛趙凡與董香篆照
簷楹不敢論書法恐涉言詮評飛簾挂珠玉處處皆
泉聲

右軍閣

右軍高閣切斗杓勢與廬岳爭岩巖今爲客堂即禪
榻尚尔雄秀凌沓寥當初捨宅貯舍利金輪峯倚霞
城標佛馱耶舍來住錫爐峯嵐起香煙飄鵝池墨池
一耶二臨川山陰近匪遙千巖萬壑助書勢石泉松
籟環調刁想當一筆跨萬古直從兩晉俯六朝屏風

嵐漪小軒

二

錦疊大雲海墨花飛湧潯陽潮右軍之書晚乃善石
經石鼓進益超太古篆法何處覓想叩真宰於山榭
赤文玉簡自神禹寶峯石室窺紫霄梁唐以下何足
道紛紛銘字青珉琯至今磨泐不什一我獨元氣凭
僧寮坐俯軒廊架巖谷蒼厓鳥迹疑可招天台紫真
儼賓從白雲洞戶來笙簫黑蛟怒起崖石底萬松鱗
甲光動搖

嵐漪軒

衙齋日對落星石我因題作嵐漪軒此軒之名七百
載昔則星寺今星墩想像開士深結屋玉京瑤州即

目存南極一星鎮名岳鄱陽全勢鬱吐吞蜂房蟻室
不可覓凝香燕寢誰與論我尋涪翁醉卧處日吸龐
老窮瀾翻豈知旬月此楸宿夜夢正俗同清言忽然
倒影落我戶是有真宰非籬樊瘦藤雲級無起訖直
自沙尾迴山根牟左珠扶九地底紫金晃蕩搏棄噉
大孤直下江萬里煙嵐彩翠歸一門衙齋無物但僻
立孤表反衣笑自溫天公憐我若寤寤變現異境來
堂垣我亦支窻效宴坐濛濛跣息尋其源寒山拾得
畫猶在道純公擇座勿喧元祐辛未大寒日七佛偈
子筆記援隆公去後超公繼重開妙墨酌一尊誰言
嵐綺小艸

三

乘田真旦暮刻詩瑣瑣量朝昏涪翁萬古石萬古春
撞日夜風濤奔待我巾箱與收拾蒼苔尚有煙墨痕
晨升夕躋屢晴晦掣鯨碧海騫鵬鯤爐香裊篆渺一
榻虹光夜起台斗捫

與諸君望落星石四首

千年一醉憶星宮幾輩劉郎宴寢同政恐清遊煩筆
研竹輿又復苦匆匆

快軒至僻覓來難故要青天作紙看一筆沙洲橫萬
里長風大海助迴瀾

匹練飛來萬丈湫星灣一點碧浮漚夏攸全勢高窻

倚要借元龍百尺樓

記剔怡亭望漢陽冰小篆石苔香涪翁醉處無人

識恐有雲靈紫電光 疑此石側當有刻字
擬於試畢手剔尋之

靈秀泉

雍正十一年癸丑季冬董文備記云試
院落成日有泉出堂階下因立石名之

院居山麓間泉出堂階下傳聞始在材泓然映新瓦

實爲人文垂豈比聲聞假我來試手斟酌量遞杯竿

休乎於水監以告飲泉者學務源委尋功敢晝夜舍

千峯蒸靈液一眼始輸瀉蔭樾交桂枝 泉上即
雙桂樹聰明比

蓮社 東林寺秀峯寺
皆有聰明泉勿矜發脈長深愧儲蓄寡側望玉簾

飛忽送山風灑

嵐漪小州

四

試院後圃望廬山用少陵上後園山脚韻

旬日緘後戶未暇窺北林今晨一疎散倚睡當欽峯

初謂少層欄不得馳遠襟遺拓山中字渴思越崇深

因風泝響籟日照凹凸陰柴乘右軍迹泚記遂銷沉

豈知几研旁咫尺青瑤岑元氣浩泱泱鬱積無古今

所存固未徃不以會物尋收攬得奇秀澄觀諧我心

秋光指雙桂粟影綻甍金快從竹篔上一補鎖院吟

出南康府城西門望廬山雲氣

門開星灣北郡抱沙洲面旬日風四霾晨容豁一變

融融霽氣中野曠山蔥蒨我與佳廬君始以真相見

兜羅罽半罽玉簾垂一線濛濛噓淡白吞吐青瑤片
大哉膚寸澤端可六合遍頽以晴翠光洗我連宵倦
衡雲禍無私海市祈敢炫半日竹輿上冷風有餘蕪
秀峯寺題宋漫堂中丞留照用自題韻二首
孰是宰官來說法掩燈我忽悟深夏夢中記得東軒
詠自罽黃州白髮兄

山門留帶事依然鑒面何須更飲泉稽首雪堂稱弟
子生天成佛竟誰先

附錄原作

看雲坐石西陂交覆鬕依然歲月夏今日披圖看

嵐倚小艸

五

一笑圖中爲弟我爲兄

竊鳴峯下摩苔碣漱玉亭中聽瀑泉世出世間緣
有在且將小照寄開先

康熙乙亥上巳自題八年前小照送開先寺方丈
六十二翁宋榮

青玉峽

青玉峽口雙厓開層青倒捲作怒雷馬尾東來勢一
掉蹴起萬壑聲喧呖我初觀瀑十里外銀潢遠瀉高
崔嵬到寺亭午靈色出珠簾正挂蓮花臺雲根却踏
巨鼇背日影磨盪補龍顏仰望珠簾不可見中盞一

碧如平盃高峯轉東又轉北不知拗折從何來到此
萬馬躍一鼓飛花歆雪成于堆大石礪硯割萬古淋
漓元氣非莓苔手捫星辰不敢逼庚辰眼眩杓衡魁
躡溪嘯答響山籟長風襟袖凌九垓穿雲別篆不能
去麓沙細礫皆瓊瑰漱玉亭子大如斗想像坡老眞
仙才安得急雨看龍鬪狂呼激灑千金壘

七佛偈

松寒石怪有髮僧即此崖骨高峻嶒七佛樓前七佛
偈萬壑響答來然鷹元祐六年辛未臘持母李服悲
不勝大寒慄慄計扶護道純凋落感涕增鹿皮僂者

嵐漪小州

六

有舊約耆州明叔頌可憑時節非因寄鄉夢薦先何
止繙大槩吾聞大字推塵竊小字肯例癡凍蠅蒼潤
軒中乏眼力玉煙堂刻誰考徵今晨坐臥此崖下向
來諸家悟未曾自言書法法安出我師我心非彼能
自本心來乃心畫崛奇開闔豈定稱所言法法何曾
法身心幻化空愛憎此筆不知彼礫變此厓那計雲
煙層種根已到七佛所彼摹本者徒鈔謄我昨爲補
玉煙字上皇樵法鋒藏稜便作松風笙竊夢得非刻
舟膠柱仍石鏡溪字儻可覓淋漓翠溼湖水蒸青崖
頃刻斂雲氣一月印出千川燈

子以山谷書七佛偈後識語摹補海寧陳氏
玉煙堂帖題此二首

兩行殘墨百璠璣自跋天寒桶墮初借問華陽銘石
處何如王瓚與吳琚

八萬欄翻又四千東坡偈子倩誰傳凍厓一夜空江
雪元祐思齊訪落年

王文成紀功石刻

讀書臺前寶墨亭平寇宇如屋建瓴此是靜坐所得
處天他日日思講經勘軍誓師手上變反風頃刻回
神靈南昌克復勢全握送儂黃渡燄未停鄱陽大戰
嵐漪小艸

二

湖水怒魚龍激蕩驚雷霆功成前後只旬日徂來佳
廬濛雨零文殊臺高夜仰卧手挽銀河捫列星巖雲
何處作風雨夢迴依舊青厓青捨身巖邊心不動擒
儂聊試刃發硎琅琅筆紀去年事百五十字如箴銘
異哉世出嘉靖字

文云嘉靖我邦國

一代興廢關冥冥先生息

息悟天咫後來鹿洞學侶聆出靖妖氛豈得已尚尔
疑忌盈其庭從容結構擘窠楷風送吟嘯吹迴汀純
臣心事與定力浯溪刻漫追摹形從官姓名惜涇泐
我來屢扣山巖扃但與野僧久對立啞啞巖鳥禪窓
樞如許磊磊照天地姬江忍夏區渭涇

於瞻雲寺後拓得石鏡溪字

後有紹聖元年七月辛亥同真淨禪師燕茗此

石上南昌黃某題廿四字

山谷道人三大字平園老愛恨未覘我昨低回此峯
下寺僧不識光猶潛石鏡金輪二峯竝峯石可鑒如
米奩鏡溪名因鏡峯得銀河劍挂碧玉簾道人日坐
玉簾側右軍宅子妙悟拈南岳法乳到真淨茶事笑
比南屏謙是時受勅宣與鄂橘陰暫往彭澤淹雙井
鄉園地咫尺金輪涇翠衣袖霑飄飄凌雲出世想秋
氣湧出鋒毫尖神來一掃墨酣放長風快雨吹松枿
千峯橫側作章法手招海月迥西崦風流二老汲泉
嵐倚小州

處但有大石荒蒲葦後廿三年老圃客猴溪橋下涼

雨霰外甥似舅竊筆意龍潭石掛冰珠髯尚作青苔

蒸茗氣秋天帳望戎與黔紹興來題復誰子

下有政和六年洪駒

父龍潭題字又有紹興一段磨滅

其字莊敬非尖纖先生識語極磨泐非

我度福何由瞻擬畫匡廬禪榻卷對支石鼎忘敲灸

儻許侍有并着我迎葉一笑皆針砭不徒孽窠鶴銘

法右軍格認華陽兼

李北海東林寺碑

至元丁丑重刻

端州昔訪石室篇已勝仙竊苓芝鏤此碑却對重刻
本摩挲有若初刻然北海書家比龍象雲壓岳麓劬

可憐今觀此碑竄高格至元已距六百年火燒水轉
殘劫後龍翔法侶來叅禪扁溪橋邊又風雨神運殿
砌移星躔智師真師兩護法開府襄與農曹田甫得
嚴幢寶塔字淨于池水清于蓮何勞更圖三策客唐
宋題者來三賢英英詞翰見丰采圭峯斂手能輕圓
顛柿大書米細楷名書芾字十載前楚國米黻元豐四年十月十六日爾時
歐柳二石在摳衣頽乃驚老顛柳碑聞亦帶歐法世
間有此真誠懸衰歎息不得見彼策一得寧非緣
尚是開元界格撻戲仿漢隸鑿頑堅金華撫圖爲出
涕摹本何必非龍眠

嵐漪小州

九

虞道園東林寺碑

我編道園藁不獲東林記東林追廿年逮今已五至
雖無亭構基側想寶珠惠旣規榮祿篆况覩奎章字
虞公學貫古文翰乃餘事北海吳興間腕力運深思
足以鎮波靡誰云傷婉媚千載誨太元重挹靜者氣
弁州歎小果猶非第一義

趙文敏書中峯禪師修東林寺疏殘石字三
首

東欄石角雨蕭蕭尚與禪宮破寂寥惆悵前秋苔溼
處墨雲倏起應江潮

昔觀中峯幻住詞自拈艸隸似枯枝疏留轉語憑誰
契海粟鷗波執役時

逸筆藏鋒認晚年玉池重悟遠公蓮一波一折千燈
影合着機鋒叩集賢

黃巖

黃巖秀峯之右臂山北磴擬天池細日暉舒舒寺門
轉風力從從如張玳竹輿伊軋線路爭前尻後頂摩
相繼漢陽五老漸來就雙劔香爐亞以次團團寶級
塔湧空一掣千丈收全勢諸峯大合復大開變絢嵐
光有餘地罡風絕頂來吹衣巨石盤盤勢如墜水聲
嵐漪小艸

招隱橋

山僧送客忘言說水自飛流石自橫借問藥留尋徑
者定知何處午雞鳴

讀書臺

此南唐李中丞讀書臺俗傳昭明者訛也
蜀人徐岱大書昭明讀書臺詩刻于崖壁

昭明讀書字劔在天池南何人傳會此大書蔽崖岷

上並山谷筆

其右即山谷
書七佛偈

得無茲石慙我懷王新建從

官燹扁戡姓名儻鏘此磨劔奚尔堪南唐起了山鑑
師故國談拾松鬻瀑水法乳來荷擔正與佛偈子一

氣壯煙嵐俗夫慢不考題識污禪龕他年志乘續莫
誤來者探

聰明泉

一泓冰雪淨兩寺後先名

東林寺亦有聰明泉

淡味回甘久寒澗

徹骨清

御書樓閣影禪榻粥飯聲竟夕空光裏何嘗藻苻橫

洗墨池

二泉題字映斜曛筆派長沙到八分五老峯陰喬篆

古不知誰憶右將軍

喬白巖有五老峯三篆書二泉白巖皆西徑派也

題傲玉亭二首

嵐倚小州

十一

米蹟爭摹第一山真撞星斗弄潺湲小亭底惜雙欄

柱輕唾支機釣石澗

嘉定開禧剩幾行擘窠砥柱鬱棧藏薛純陀法誠懸

悟直下龍門萬里長

携蒞中拓本放翁書詩境字入廬山挂于秀

峯禪室題三詩

昨寓東軒作詩境今來詩境悟東軒鶴鳴峯下寒泉

上跌息迴看瀑布源

遠題宋侵堂留寺小照用坡公東軒詩意

常愛放翁禪偈語每思雪夜宿東林何如玉峽飛泉

側卧聽空山梵唄音

擬作圖名寓放翁笏齋岑寂太空濛記來收拄西江
綠滌研千巖萬壑中

菴中瓜疇山水卷頗與晉人遊廬山詩序相
似故携此卷入山因書於卷和其韻

夜宿秀峯院縷縷山雲生遠近泉脈迴相喻山性情
澄懷觀已久半月南康城猶煩塵慮洗浩浩形神輕
無風松自響孤磬定中清夏上越巖頂瘦筇慙未經
倚賴僧彌力真氣幹青冥

宿秀峯寺

山空不聞鳥雀聲齋鐘粥鼓夜徹明巨石深崖龍虬
嵐倚小艸

三

氣空堂啟戶星斗橫我來靜攝入跣息大千豪髮以
氣并俄頃日出艸木溼山門一帶橫雲平

萬杉寺

纔喧雙瀑水已聽萬杉鐘樹挺枝枝鶴泉飛矯矯龍
雲深四大字雨洗七尖峯慶歷齊程蹟天留待我逢

槐京書龍字石側有乙酉
閏五月齊廓程師孟題字

栢賢寺二首

三車聽法處五老向人青舊記咸平塔今看舍利瓶
水雲香積益花雨石函經欲縮歐陽楷重鑿化度銘

觀寺閣所藏舍利舊有石塔互函刻
三皇宋咸平庚子歲建此舍利塔

妙墨千金蹟曾傳許扁頭軸端題鐵嶺門外即滄洲
巨鋒降魔氣青天赤日秋攝來憑道眼未用辨朱繇
寺僧出觀五百羅漢圖康熙壬辰江南布政使鐵嶺金世揚以千金請所入許扁
頭畫也許名從龍每幅皆有金鐵山印萬元鎮印元鎮弟承蒼記云凡二百軸而
寺僧云一百
八十四軸

玉淵潭

步出長松門猶聽松倚響路滑不容立俯側潭深廣
奇哉玉淵字其氣雄千丈建瓴東北來直瀉勢器器
到此一洄漩小作圓折養然後萬珠璣滾滾橫摩盪
劃翻水晶宮神龍掣蛟麟精靈來會合虛無出惚恍
誰識中粹溫玉爐浮益益拈破鮎桓機何如求象罔
風箏小州

植賢三峽橋

三

耳聾過玉淵目眩又金井天然跨禪院結構非人境
遂步龍潭下手撼驪頰醒紫翠銜筴間光透西日景
凹凸青赤文讀之了不省却上俯禪憲變眩出俄頃
萬壑迴瀾來一束激箭猛裊裊修竹竿爲客汲烹茗
我坐雲氣中峯倒不見影院筆三折痕直吸黃巖頂

五老峯歌

五老峯如五老人拔地千丈青嶙峋廬山諸峯出其
下前後遠邾皆兒孫我從七峯俯三峽湖漪疊翠蒸
曉瞰全湖之勢西北拱到此始見峯雄尊衆峯西來

攤屏障一峯屹立蒼煙屯一峯纔住二峯起肩差相
讓顏相温三峯中峙巖雄厚背負龍象騫鵬鯤四峯
與三嵒相亞其五離立仍孤蹲五緯之精降南極榮
光河雒騰天文衡霍中間控翼軫斗牛紫氣三垣分
聚來佳廬竒秀處千里誅蕩開天門西南炎離炳正
位香爐獻壽精氤氲日月光華雲霧窟霞裾星珮清
淨身妙鬢曾鋪大雲海今晨萬里無纖雲我與老人
來對面豈借點綴空續紛維岳極天作屏翰政要會
合真精神山靈知我意有在積翳一洗人文醞乾坤
清氣在神骨必鍾靈淵於秀民湖光圓碧鋪玉鏡山
嵐澗小州

古

容紫翠澄秋旻仰見蒼顛願我笑試叩真宰堪共論
晚來雲意仍四合讓我遊過徐吐吞我詩不要海絲
語請問初白誰識真

查初白有五
老峯海縣歌

華蓋松歌

廬山東南華蓋松正對五老之中峯我由楸賢叩鹿
洞適來松下倚筇楸賢拱夾澗前後株株筋骨皆
亂龍全山雲石泉乳氣交合竒秀秘所鍾之而鱗甲
互撐拄盤拏天矯勢鬱蔥萬年松多拔磗起佛手塵
尾名相從松身松鬣飽雲霧松皮各各嵐翠重松梢
忽捲松根出海濤天半雷雨代絕頂拗垂倒下豎結

作繖罩青童童四角俯瞰萬峯綠中虛穹若紫極宮
條條柯擁玉璣柄蓋杠覆坐光熊熊此皆五老上戴
斗鈎陳魄寶精感通峯迴水轉植得地千戀萬壑來
朝宗我從山前望講院此松卓尔瞻帡幪得非文昌
近北極六府翼贊靈臺崇所以廬山古國學五教原
本於辟雍儻荷人文藉垂蔭華滋外發由中充榎楠
杞梓日騰出扶持長養須神功峯前正有華蓋石棧
樸作人名號同獅子峯東有華蓋石一名聖壽無疆石 摠衣再拜茂承祝賀
道溪水吹長風

次韻奉酬鹿洞院長沈兼山舍人二首

嵐筍小艸

五

握手青峯玉峽邊諸生拱竢已經年不虛此席千秋
重豈止南州一榻懸雲注溪泉增活潑雨餘嵐翠更
鮮妍講堂白石蒼松氣弦誦聲先萬壑傳

師友淵源一卷中侯芭竒字憶揚雄齋依香樹還如
昨水遶鷗波未易窮玉局詩盟同付託東樵經義叩
深崇役車携得蘭言去袖有天池鶴背風

白鹿洞書院示諸生

上丁祀事畢律禮勛豆俎遵彼陽厓下言涉羣藝圃
法法貫道溪得門不數武外堂訪碑刻拾級轉廊廡
忠孝紫陽規心性甘泉語所基於大學誠意爲之三

格致迨脩齊至叢其儀矩違者懼纓子近日東樵甫
躬綜著錄家定本孰敢取堂堂文成公倥偬勘軍旅
浣手小戴帙澄心大江渚碩鑿洞規間於義究安補
近者駁朱習亦到婿學侶吾甚爲此懼入道戒輕侮
但須切求益且莫匪復古此邦旣佚士循牆慎僂僂
伴芹水可思祭菜蔭初鼓石坊題國學名義非誇詡
藏書宛委房甲秀金石譜分陰宜惜諸前軒晷方午
發星子往九江道中與雪樵論五老峯畫意

疊前用杜詩韻

茲峯面鹿洞其背則東林夢想廿九年今始覩陽峯

嵐倚小州

六

如我親聲效昂昂軒袂襟相與共清言秋氣曠高深
一老俯而僂脅有萬壑陰諸老鬱蒼然太古思沉
憶昨攀葛夕小園圍寸岑收之跌息定浩蕩觀古今
峯峯次開張不可限丈尋空外有鬱積他日睡湖心
鬚眉照萬里近揖雋與金回笈北轅望何似後園吟
拓得廬山石刻凡四十五種張之屋壁作歌

入山出山凡三日中間扃院莖葉改日日盼得山中
字何啻褚薛王羊買今晨開篋餘屏障似喚山精變
光彩玉淵歸宗字尤壯動蕩心魄生奇駭歸宗隸古
無欵識玉淵張書氣增倍闌干蘇起玉潭龍直上青

天叩真宰槐京帚書特奇縱莫記史年磨礪礪同時
公闢齊與程慶歷尚有留題在三株樹與五朶雲厚
之幾箇聯寮采此皆深潭側身入飛流滑磴捫危殆
墨痕翻倒儼衣裾咫尺蒼茫窮豎亥東都殘墨亦已
少南宮題識猶疑給渚從唐宋逮元明剔遍篆隸兼
行楷寥寥江夏片石摹中有海岳真珠琲我求西江
金石刻耿耿洗墨池相待冀得遺蹤逸少訪滋我題
閣塗鴉悔何況紫霄青綠字蟠朶連絡菖蒲解且看
長缸四壁橫此是匡廬大雲海

嵐倚小艸

七

97723



12585
分类号
卷号
册数
北京图书馆藏